



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus V. De juramento in item.

[urn:nbn:de:hbz:466:1-73001](#)

nam corporalem) requirantur probationes luce meridiana clariores, hoc est, non relinquentes Reo ullum adversus eas, justum & probabile effugium, vel tergivertationem ad se exculpandum, non videatur huic juramento locus in ejusmodi causis; cum revera jusjurandum ab uno adversus alterum non semper inducat veritatem causæ, super qua deponitur. Accedit, quod textus in cit. L. 3. non loquatur de quacunquæ actione *penali*, sed solum intentat *criminales*, matrimoniales, in quibus juramentum suppletorium Actori deferri non potest, ut dictum est, excipiuntur etiam causa famosæ; sic Barbol. in c. 2. de probat. numer. 48. Layman l. 3. Summa, tr. 3. c. 5. n. 2.

2137.

In nulla igitur causa, propriè *criminali*, locus est arbitrio Judicis ad deferendum jusjurandum uni litigantium, juris decisum, nisi forte, Actor non plenè probante, Judici videatur opus juramento purgationis; nam hoc ei non licet etiam in dubio causa civilis arduæ; qualibet autem criminalis, propriè dicta, gravior est quamvis civili etiam ardua; major est in foro recepta, ut notat Haunoldus tom. 5. tr. 4. n. 1043. dicuntur autem arduæ, ac magna, quæ tangunt majorem partem bonorum, ut colligitur ex c. 1. de r. s. l. Spoliat. in 6.

2138.

An excipiantur causæ pecuniariæ? dubium est inter Doctores; non posse deferri Actori juramentum in talibus causis, tradit Menochius de Arbitrar. casu 464. n. 6. affirmant alii, si is, cui deferetur, semiplenè probavit, ex L. 3. Q. 1. ff. de jurejurando. relatâ superius; an deferri possit à Judice in causis matrimonialibus? communis respondet negativè, ex c. Mulieri 34. ubi ubi Gregorius IX. Mulieri, inquit, quæ in iure præstito juramento assentuit, virum tallem in ipsam per verba præsentis matrimonialiter consensisse, probationes alias non habenti, viro ab ejus imputatione per sententiam absoluto, nec debes licentiam dare cum alio matrimonium contrahendi, ne auctor petjuri videaris: nec hoc ei dicimus prohibendum: ne forte, si falsum juraverit, matrimonium contingat legitimum impediri: sed suæ conscientia est potius relinquenda; cum enim etiam sponte præstito juramento in dato casu delatum non sit, propter arduitatem causæ (ne alter invitus cum ea vivere teneatur, & difficiles exitus invita matrimonia plerumque

quæ habeant) merito in tali casu locus non datur juramento litis decisivo, à Judice ex officio deferendo. Præter causas criminales, matrimoniales, in quibus juramentum suppletorium Actori deferri non potest, ut dictum est, excipiuntur etiam causa famosæ; sic Barbol. in c. 2. de probat. numer. 48. Layman l. 3. Summa, tr. 3. c. 5. n. 2.

2139.

ARTICULUS V.

De juramento in item.

Juramentum in item, seu affectionis (ut notavimus à n. 2007.) definitur juramentum, quo res, in judicium deducta, æstimatur; & contingit, cum quis jurat, se tanti æstimare, sibi non esse restitutum, quod pars adversa restituere jubeatur, aut res dolo ejus perit, valore non aliud probabili nisi ex juramento Creditoris, & Actoris; unde per item hic non intelligitur *judicium*, sed *res*, & *interesse*, in judicium deducta; hinc istud juramentum fieri potest etiam extra judicium; modò fiat deferente Judice; propter quod reducitur ad juramentum *necessarium*.

Hoc juramentum dividitur in juramentum *affectionis*, & *veritatis*; illud est, cum quis jurat æstimando rem secundum suam affectionem, quam erga talē rem habet, ultra realem illius valorem, v. g. commodavi tibi Codicem aliquem, mihi valde charum, quem, si tu contumaciter restituere tecusas in judicio condemnatus, potest deferri mihi juramentum in item, quo æstimem, talē Codicem forte apreis, cum in se solum valeret, & communiter solveretur tribus; & hoc in pœnam contumacia: istud, quo juratur æstimando rem secundum valorem, quem habet, seclusa omni speciali affectione.

2140.

Not. autem cum ista juramenta tendant ad restituendum *interesse*, aliud esse interesse *commune*, quod scilicet non distinguitur à valore, ut, si repetam à te mihi restitui æstimationem libri, à me tibi commodati, qui dolo tuo interiit. Cum enim tali casu sāpe probari non possit valor libri, quem habet secundum se (puta, si nemo eum alias vidit, vel novit, aut æstimare scivit) conceditur juramentum

2141.

Aaaa 3

in li-

in item ad veram rei estimationem, quin Actor indigeat aliâ probatione; quæ tamen estimatione per juramentum ejus à Juge deferenda est, arg. L. 5. §. fin. ff. b. t. ibi: planè interdum in actione stricti iudicij in item jurandum est, veluti, si promissor Stichi moram fecerit, & Stichus decesserit, quia Judge estimare sine relatione jurisjurandi non potest rem, quæ non extat.

2142. Cùm autem quandoquæ Actor prosequatur interest aliud, nimurum non commune, & intrinsecum, sed id, quod est extra ipsam rem, quæ in item deducta est (puta si mihi non restituas pecuniam, apud te depositam, & inde mihi nascitur damnum, v. g. quia propter hoc distractum est pignus à meCreditori datum, quo alias recepta pecunia redemissim pignus) etiam de hoc interesse datur juramentum in item; non tamen affectionis; quia in pecunia non est affectio; cùm certa sit pecuniæ estimatione; adeòque solum veritatis; quibus positis:

2143. Quæstio 1. est, à quo deferri possit juramentum affectionis? 2. quibus? 3. contra quem? 4. in quibus actionibus: 5. quem effectum habeat juramentum affectionis? Ad 1. Resp. posse à solo Judge, sive ordinario, sive delegato; defertur enim in poenam dolii, & contumaciae; pars autem partem colligantem punire non potest; sed solus Judge, & ideo etiam L. 4. §. 1. ff. de in item Jurando, dicitur: deferre jusjurandum judicem oportet; ceterum, si alius detulerit juramentum, vel, non delato, juratum sit, nulla erit religio, nec ullum jusjurandum. Not. autem, quandoquæ Judicilicere, negare hoc juramentum, nimurum, quando res adhuc extat, quam alter contumaciter renuit restituere; tali enim casu etiam militati executione cogi potest contumax ad reddendum; secus, si non amplius extet; tunc enim pertinet ad officium Judicis, petenti deferre juramentum in item; & sub hac distinctione accipiendæ sunt. 1. cit. L. 4. Q. 2. dicens in arbitrio esse Judicis, deferre jusjurandum, necne; & L. 5. §. 1. ff. eod. dicens: licuisse, & à primo (seu principio) non deferre.

2144. Ad 2. Resp. ex L. 7. ff. h.t. vulgo præsumi, alium in item non debere jurare, quam dominum litis; ubi additur: deni-

quæ Papinianus ait, alium non posse jure, quam eum, qui item suo nomine contestatus est; quod tamen intellige, ut hic voce domini litis etiam veniat is, qui jure loco domini habetur, ut Tutor loco pupilli; Curator loco Minoris; quamvis enim isti ad jurandum cogi non possint in ejusmodi casu; si tamen ex affectione erga commissos tutelæ, vel curatelæ jurare voluerint, autoritatem juris non refragari per L. 4. in principiis de in lit. jur. Si dicas: ergo etiam Procurator jurare poterit in item; nam hic contestando fit Dominus litis. Resp. negando illatum; nam in dicta L. 7. Dominus litis dicitur, cuius negotium agitur, atque adeò, ad quem commodum, & incommodum spectat; Procurator autem hoc sensu non est Dominus litis; quamvis contestatione litis fiat Dominus litis solum fictione juris ad hunc effectum; ut in eum feratur sententia. Ut autem quis capax sit, cui deferatur juramentum in item, requiritur, & quod sit Dominus litis; & quod suo nomine contestatus sit item; neutrum habet Procurator; non primum, ut dictum est; non secundum, quia non suo, sed principalis nomine item contestatur. Sed nec Matri deferri posse, constat ex cit. L. 4. ibi: sed nec matrem pupilli admittendam.

Ad 3. Resp. cùm deferendum est juramentum affectionis, deferendum esse contra Reum, non tamen qualemcunque, sed cum solum, qui rem restituere condemnatus, ob dolum vel non restituit, vel non exhibet, cùm possit; vel dolo fecit, quò minus restituere, aut exhibere possit; nam, cùm pretium, quod juranti solvendum est, non pendaat ex præcisa affectione, ut dicimus à n. 2149. sed ex valore rei, & contumacia, secundum quod hæc merito puniri potest, ubi dolus non intervenit ex parte Rei, contra talem Reum justè concedi non potest, ut videtur colligi ex L. 4. §. fin. ff. de in lit. jur. ibi: ex culpa non esse jusjurandum deferendum constat; sed estimationem à Judge faciendam; & L. 5. §. 2. ff. eod. ibi: sed in his omnibus ob solum dolum in item juratur; non etiam culpam; hæc enim Judge estimat. Censent tamen aliqui, posse concedi contra Reum, qui quidem dolum formalem non commisit; sed tamen la-

tam

tam culpam, vi cuius factum est, ut rem petitam restituere, vel exhibere non possit; probantes 1. per sensum contrarium L. 2. C. eod. ibi: *si vero neque dolus, neque culpa, neque fraus heredis convincitur, omisā jurisjurandi facultate Judex de veritate cognoscet.* 2. leges contrarias exponendo, quod loquuntur more usitato juri, per *culpam* sine addito intellegendo *culpam levem*. Sed contrarius sensus in multis fallit, praesertim, quod illi clara lex opponatur, ut hæc, ibi: *ob dolum solum in item juratur*; ergo non ob *culpam* etiam *latam*, quæ dolo caret; ex quo etiam habetur in hoc casu *culpam* non accipi more alias usitato, pro *culpa* solum levi; sed *quavis alia, non dolosa, vel fraudulenta*. Dixi, *solum ob dolum*; sed an sufficiat *solum presumptus*? et si non desint affirmantes; videtur tamen probabilius negandum; nam culpa lata est dulus *presumptus*; at ob nullam culpam, etiam latam, deferri potest hoc juramentum; sed *solum ob dolum*; ut dictum est; ergo dulus etiam *presumptus*, non est *dolus*, nisi cum addito; textus autem loquitur de *dolo solum*, simpliciter, & sine addito. Cum autem tertius possessor rei, pro cuius restitutione, vel exhibitione Actor petit, sibi deferri juramentum affectionis, rem possidet, sine dolo, vel contumacia, contra illum Actori deferri non debet, nec justè potest juramentum affectionis; cum hoc, ut dictum est, *in eo*, contra quem conceditur, supponat dolum, & contumaciam *in non restituendo*, cum deberet. Unde licet ille tertius dolo rem *acquisivisset*; si tamen prius, quam condemnaret ad eam restituendam, sine dolo eam amisisset, contra illum non rectè deferretur hoc juramentum; si tamen dolo desisset possidere, argueretur, nolle restituere.

2146. Ad 4. Resp. quamvis L. 5. ff. de *in lit. jur.* dicatur: in actionibus *in rem*, & in *ad exhibendum*, & *in bona fidei judicis*, in item jurari: nonnullis tamen videri rem tradi non satis explicatè. Quare not. 1. juramentum in item concedi, quando agitur vindicatione contra Reum contumacem, & dolosè non restituentem, ut habetur L. 68. ff. de *rei vindicat.* ibi: *qui restituere jussus, judici non parer, contendens non posse restituere: si qui-*

*dem habeat rem, manu militari, officio judicis, ab eo possessio transferitur: & frumentum duntaxat, omnisq[ue] cause nomine condemnationis: Si vero non potest restituere: (si quidem dolo fecit, quo minus possit) is, quantum *Adversarius* in item, sine ulla taxatione in infinitum juraverit, damnandus est; si vero nec potest restituere, nec dolo fecit, quo minus possit: non pluris, quam quanti res est, id est, quanti *Adversarii* interfuit, condemnandus est: hæc sententia generalis est, & ad omnia, sive interdicta, sive actiones in *rem*, sive in personam sunt, ex quibus arbitratus iudicis quid restituitur, locum habet.*

Ex hac lege, & regula universali deducitur, juramentum in item dari etiam in vindicatione Universitatis, vel totius hereditatis, aut partis ejus; quod specialiter etiam habetur in L. 25. ff. de *petit heredit.* §. 10. deinde cum servitus petitur, L. 7. ff. si servitus vindicetur; tertio in actione hypothecaria, vel pignoratitia, L. 16. §. 4. ff. de *pignorib.* quarto in actione de dolo, vel quod metus causa. L. 18. ff. de *dolo malo*; ac demum in omnibus actionibus bona fidei; sive tendant ad restituendum, sive ad dandum; cum aquitati naturali valde consonum sit, ut coegerantur omnes, qui rumpunt datam fidem, *ex contumacia & dolo*, quæ ratio videtur insinuari etiam ab Ulpiano L. ei, apud quem, ff. depositi: dicente: in *judicio depositi* contrario, in item non jurari, quoniam de fide rupta non agitur.

Ad 5. Resp. effectum hujus juramenti (nisi in affectionis in item) dici, quod Reus in summanum jurataim, etiam gravem, condemnari debeat, nisi *Judicis arbitrio minor taxetur*, aut ex alia rationabili causa à condemnatione abstineat, habetur ex L. Videamus 4 ff. de *in item jurand.* §. 2. ibi: *jurare autem in infinitum licet*; sed an *Judex* modum *juri-jurando* statuere possit: ut intra certam quantitatem juretur, ne, atrepta occasione, in immensum juretur: quæro; & quidem in arbitrio esse *Judicis*, deferre *jusjurandum*, necne, constat. An igitur, qui possit *jusjurandum non deferre*, idem possit & *taxationem* *juri-jurando* *adjicere*? queritur: arbitrio tamen bona fidei *Judicis* etiam hoc congruit; & §. 3. ibi: item videndum, an possit *Judex*, qui detulit *jusjurandum*, non

2147.

2148.

non sequi id ; sed vel prorsus absolvere, vel etiam minoris condemnare, quām juratū est ? & magis est, ut ex magna causa, & postea repertis probationibus possit. Ex his juribus habetur, ne Actor in immensum juret (nimium videlicet titulo suā affectionis ad ejusmodi rem) Judicem ei modum statuere posse, ut intra certam quantitatem juret, ut constat ex cit. §. 2. imo Judicem quandōque posse non sequi aestimationem Actoris, ut habetur L. in actionibus s. ff. cod. ibi : in actionibus in rem, & in ad exhibendum, & in bona fidei judiciis in litem juratur. Sed Judex potest præsinire certam summam, usquæ ad quam juretur : licuit enim & à primo nec deferre; Item, & si juratum fuerit, licet judici vel absolvere, vel minoris condemnare.

2149.

Advertendum autem, contra juramentum in litem admitti probationem adversæ partis ; Carpov. p. 1. Conf. 15. defini. 9. Advert. 2. rei pretium, seu aestimationem, super qua juratur, non ex affectione, nec utilitate singulorum, sed ex communi iudicio desumenda esse, saltem plerumquæ, & per se loquendo, ut colligitur ex L. 33. ff. ad L. Aquiliam, ibi : si servum meum occidisti, non affectiones aestimandas esse puto (veluti, si filium tuum naturalem quis occiderit, quem tu magnō emptum velles) sed quanti omnibus valeret. Sextus quoque Pediū ait, pretia rerum non ex affectione, nec utilitate singulorum, sed communiter fungi ; itaque eum, qui filium naturalem possidet, non eo locupletiorem esse, quod eum plurimo, si alius possideret, redempturus fuit; nec illum, qui filium alienum possideat, tantum habere, quanti eum Patri vendere posset : lege enim Aquiliā damnum consequimur, & amississe dicemur, quod aut consequi potuimus, aut erogare cogimur; quod idem repetitur L. 63. ff. ad Leg. Falcidiam ; & L. 6. §. 2. ff. de operis servorum dicitur, ibi : item voluptatis, vel affectionis aestimatio non habebitur, velut si dilexerit servum Dominus, aut in deliciis habuerit.

2150.

Ex his juribus habetur, quando alicui conceditur juramentum affectionis in litem, non esse in rei pretio, quoad ejus taxationem, spectandam præcisè affectionem, nequæ hoc solo titulo Judicem posse

juranti concedere augmentum pretii vel aestimationis ; sed primò determinandum rei valorem secundū se, iudicio prudentum, definito taliter valore, adjicere aliquod augmentum in poenam contumacia ; ac demum etiam aliquid ex affectio- ne non privato Actoris, sed communia arbitrio ; & sic intelligenda sunt iura præcedenti num. allata, secundū quod ca- dunt in rei pretium, super quo conceditur juramentum affectionis in litem. Hinc not. juramentum affectionis, super valorem rei, restituendæ, vel dandæ, non esse admissendum, ex mero Actoris affectu ad rem ; neque illud ex hoc dici juramentum affectionis ; sed ex eo, quod, quando valor rei secundū se rescribi non potest, aesti- mari debeat affectu, regulato communi sensu de valore talium rerum ; nam ex hoc juramentum in litem affectionis, dif- fert ab altero, quod est veritatis. Ex hoc habetur, quod taxa rei, super qua sit juramentum affectionis in litem, accipienda sit non tantum ex valore rei secundū se ; sed etiam secundū id, quod à Judice ad- jicitur in poenam contumacia ; nam, si res, cuius valor in se, non scitur, communi prudentum arbitrio aestimetur 100. floren- sis ; & Judex in poenam contumacia ad- jiciat 50. aestimatio rei (secundū quod sub- jicitur juramento affectionis) erit 150. floren. & sic intelligitur, quod dictum est L. 1. ff. b. t. ibi : non enim res pluris sit per hoc, sed ex contumacia aestimatur ul- tra rei pretium ; & L. 8. ibi : non est a- quum, pretio (id est, quanti res est) rem aestimari ; cum & contumacia punienda sit : & arbitrio potius Domini rei pretium statuendum sit, potestate petitori in litem juranti concessâ. Unde, licet verum sit, quod res non sit pretiosior, nec pluris aesti- metur, ex contumacia, ex dict. L. 1. nec etiam ex condemnatione propter contumaciam, ut habetur in ead. L. 1. ibi : rem in iudicium deductam non idcirco pluris esse opinamur, quia crescere condemnatio potest ex contumacia non restituentis per jusjurandum in litem ; non enim res pluri- sis sit per hoc, sed ex contumacia aestima- tur ultra pretium ; ex hoc tamen non se- quitur, quod non possit in litem jurari ju- ramento affectionis super majori summa, quām sit pretium rei ; cum etiam ex con- tumacia aestimetur (seu taxetur sum- ma

ma juranda) ultra pretium rei, arbitrio Judicis, sic, ut in sumam jurandam veniat & pretium rei, estimatione petitoris ex communi judicio, & poena contumaciae Judicis arbitrio, prius definienda, ut colligitur ex allatis juribus.

2151. Illud etiam annotandum, prius, quæ Auctori concedatur juramentum in litem propter contumaciam Auctoris, recusantis dare, vel restituere, quod ab Auctore in judicio petitur, à justo Judice considerandum, an ea res revera talis sit, quæ Auctori, vi cause ipsi adjudicatae debeatur aliquo justo titulo, Reum obligante, ad rem illam Auctori tradendam; alias enim, si deficiat justus titulus debendi, juramentum in litem nullum producet effectum; sic enim in Reo nulla erit contumacia, contra debitum nullo justo titulo fundatum. Casus evenit, quo Titius in causa feudali agebat contra Caium, de cetero Dominio ad se devoluto; pronuntiatum fuit contra Caium, ut illud Titio cederet cum omnibus appertinentiis ad illud Dominium. Sub hoc Titius exegit à Caio sibi etiam tradi manuscriptum aliquod paucarum phyletarum privata manu Caii ad suam solius directionem industriae propriæ conjectam pro variis casibus occurrentibus circa subditos, & jura sua, quæ, dum esset in possessione illius feudi, observatione didicerat, cum aliis annotationibus de rebus, & actionibus personam suam concernentibus. Recutabat hoc, Titio consignare Caius, quod non esset aliquid, jure pertinens ad dictum Dominium, Titio cedendum; cum ad nihil (præter instrumenta, Urbaria, & reliqua documenta omnia, ed pertinentia) de privatis rebus suis, annotationibus, & chartis, judicio sui Advocati, vi sententiæ, teneretur; ursit restitucionem Auctori, obtinuit juramentum affectionis super 4. millibus floren. & Caius in iisdem condemnatus fuit.

2152. Quæsumus fuit, an jure? Videri poterat, quod sic; quia, cum scriptum illud contineret plura, quæ ad directionem Auctoris esse poterant in hujus commodum in ordine ad Dominium utiliter usurpandum, prout hoc habebat Caius; magno emolumento, pretio estimabili, privatus fuit per contumaciam Caii; & quia valor ejus in se, resciri non pos-

Tom. II.

terat, meritò ex affectione taxandus erat; quarè Caio persistente in contumacia, meritò res definiri poterat juramento in litem; & eo præstito, in dicta summa condemnari Caius: negativam tamen multò rectius amplexi sunt plures Viri sapientes non solum Theologi, sed etiam Jurisconsulti, quod in ordine ad hoc manuscriptum, Titio consignandum, nullus esset *justus titulus debendi*; vi sententiæ ad nihil tenebatur Caius, nisi ad cedendum Dominium cum omnibus jure appertinentia ad tale Dominium; ex eo enim, quod contineat privatas quasdam annotationes, ex mera industria Antecessoris, in suum commodum factas merè liberè, non potest dici *jure appertinens*; alias à quovis alio chartæ, ac codicilli, seu libelli, ejusmodi annotationes circa illa bona continentis jure exigere potuisset Titius, quod sane judicio dici non potest; nec obstat, quod Titio fuisse utile; ex hoc enim non ostenditur *debitum*, aut justus titulus debiti, nam & allodialia Caii, forent Titio utilia, præsertim immixta, vel vicina bonis illis feudalibus, accedit, quod Reus non teneatur edere instrumenta, unde novæ lites in suum detrimentum ab Auctore, præsertim tali (erat enim ex primis Ministris in Tribunal, ubi causa agebatur, &c.) suscitarentur potentia Auctoris, ut constat ex dictis, maximè tunc, quando plura privata, Rei acta, scriptum tale continet; quæ Auctoris odio in sinistram partem, Procuratoris calliditate, detorqueri possunt; at hoc erat in præsenti casu. An portò estimatione in tantum taxata, pro re prorsus accidentalí feudo, & justè omissib; à Caio, jure fieri potuerit, in negativam idem multò rectius abiverunt, ut consideranti patbit.

ARTICULUS VI.

De juramento Veritatis, & M^alitiae.

Quid sit juramentum *veritatis in litem* 2153.
tem, & in quo differat à juramento affectionis, constat ex n. 2150.
Bbbb Circa